



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

§. 4. De Resignatione.

urn:nbn:de:hbz:466:1-40986

§. 4. *De Resignatione.*

Resignatio est spontanea dimissio sui Beneficii facta coram legitimo Superiore eam acceptante, scilicet Papa, vel Episcopo. Duplex est, altera simplex, seu sine ulla ap-polita conditione, & haec fieri potest coram eo, cuius est conferre Beneficium, & insti-tuere; altera conditionalis, quae sit cum aliqua conditione, & haec iterum duplex est, nam si fiat ea conditione, ut Beneficium alteri designato conferatur, dicitur resignatio in favorem: si fiat ea lege, ut resi-gnans a resignatario aliud Beneficium ac-cipiat, est permutatio. Sed opera pretium est scire, quae requirantur, ut resignatio sit valida, & licita. Quare

Dico. 1. Ut resignatio in favorem, vel sub onere pensionis sit valida, requiritur 1. Ut Beneficium sit resignantis, nam resignatio est sui juris cessio. Quod si resignans commiserit delictum, ob quod certò pri-vabitur Beneficio, modo non teneatur il-lud dimittere ante sententiam judicis, resi-gnatio ante illam facta valebit, sed potest postea irritari. 2. Ut sit spontanea, hoc est, nec metu injusto, nec vi, nec dolo extorta; alioqui est nulla, vel certè annullanda cap.

5. *de Renunt.* & *Clement.* 2. *de Pœnis.*

3. Ut in manus Papæ fiat, nam in jure pro-hibetur resignatio in favorem, cap. *Pteri-que* 8. q. 1. & omnis pactio in Beneficiis jure communi prohibetur, ne scilicet jus

Yy 5
hæc.

hæreditariæ successionis in Ecclesiam introducatur, ne sit locus acceptiōni personarum, & ne libertas conferendi Collatoribus adimatur. 4. Requiritur consensus Patroni Laici, si Beneficium fuerit Patronatum. 5. Debet acceptari à Papa, alioqui resignans non perdit jus suum, cap. ult. *de Renunt.* 6. Debet conferri Beneficium ei, in cuius favorem resignatum est, non alteri, nec aliter. Alioqui provisio non valebit, quia fieret sine Beneficii vacatio-
ne; non enim tunc vacat per resignatio-
nem, cùm hæc habeat hanc conditionem,
sine qua possessor non intendit resignare.
7. Debet acceptari ab eo, in cuius favorem
resignatur: alioqui resignans non amittit
jus suum, cùm non resignet, nisi sub hac
conditione. Porrò resignans etiam post
acceptationem Superioris manet sui Bene-
ficii possessor, donec resignarius posse-
sionem acceperit. 8. Si resignans sit infir-
mus debet supervivere viginti dies post
resignationem: alias censebitur Benefici-
um vacare per obitum, non per resignatio-
nem, ac proinde omnis collatio vi illius
facta irrita est. Ita Regula Cancellariæ de
infirmis. 9. Resignatio facta in Curia Ro-
mana debet intra sex menses à die suppli-
cationis oblatae computandos, publicari in
loco Beneficii. Si autem fiat causa permu-
tationis extra Curiam, debet publicari in-
tra mensē: alioqui si resignans moriatur
antequam resignarius ceperit posses-
sionem,

nem, Beneficium censabitur vacare per obitum, & collatio facta resolvetur, ita Regula Cancellariæ. In Gallia tempus sex mensium, aut unius mensis computatur à die admissæ resignationis. Et hoc tempus potest à Papa prorogari ad partis petitionem.

Dico. 2. Ut resignatio etiam simplex sit licita, debet fieri ex justa causa bonum Ecclesiæ, vel spiritualem resonantis utilitatem spectante: nam Clerici præsertim Beneficiarii ratione sui statûs debent Gloriæ Dei, & utilitati Ecclesiæ inservire: & proinde non eis licet sine causa justa depoñere curas spectantes ad Beneficia, quæ suscepérunt. Unde S. Pius V Constit, 58. prohibet Episcopis, & aliis, ne admittant resignationes nisi eorum, qui aut senio confecti, aut valetudinarii, aut corpore impediti, vel vitiati, aut criminis obnoxii, censuris Ecclesiasticis irretiti, aut nequeunt, aut non debent Ecclesiæ, vel Beneficio inservire; seu qui unum aliud, vel plura Beneficia obtinuerint, vel quos ad aliud contingit promoveri. Hic addere juvat vulgarem versum resignandi causas complectentem.

Debilis, ignarus, male conscientius, irregularis,

*Quem mala plebs odit, dans scandala,
cedere possit.*

Dico. 3. Ut resignatio in favorem sit licita, debet insuper fieri ob utilitatem Ecclesiæ;

clesiæ, quia scilicet alter judicatur aptior: nam si resignatio, vel permutatio fiat ob consanguinitatem, vel ex alio affectu carnali, est illicita: si verò fiat pro aliquo commodo temporali utriusque, vel alterius, est simoniaca. Porro jure communī non licet in periculo mortis resignare Beneficiū sub conditione tacita regressū, si convalescat, ex Trid. Sess. 25. cap. 7. & Bulla 134. Pii V.

Dico. 4. Ut resignatio, vel permutatio cùm reservatione pensionis, sit licita præter consensum Papæ, & resignatarii, requiritur causa justa, quæ est indigentia resignantis. Nam non est alia justa causa dispensandi à lege generali hanc reservacionem vetante ob rationem allatam à Congregatione Cardinalium, ad reformatiōnem Ecclesiæ, deputatorum à Paulo III. scilicet quia reditus sunt annexi Beneficio, ut corpus animæ, ideoque natura sua pertinent ad eum, qui Beneficiū habet, ut possit ex eis vivere honestè pro suo ordine, simulque queat sustinere impensas pro diuino cultu, & templi, sacrarūmque adiūtū reparatiōne ut quod reliquum est, impendat in pios usus. Hæc est enim natura horum redituum. Et vero ipsa resignatio Beneficii non est causa justa pensionis exigendæ, cùm jus percipiendi fructus fundetur in Officio, quod resignans dimittit, & transfert in aliū. Ratione autem Officii

præ-

prateriti nil potest exigere, cùm propter illud jam redditus perceperit.

§. 5. *De Permutatione.*

Permutatio h̄ic est à Beneficiatis facta Beneficii sui in manibus Ordinarii m̄tua resignatio, ea lege, ut alterius Benefici um alteri conseratur, & viceversa. Si permutanda Beneficia in diversis Diocesisbus sita sint, requiritur auctoritas utriusque Episcopi. Si autem permutatio fiat cùm adjectione oneris, vel pensionis, requiri tur auctoritas Papæ; quia Beneficia conferri debent sine diminutione, & onere, quod iis jure non inest. Quòd si Beneficia sint inæqualia quoad dignitatem, vel jurisdictionem est Simonia juris divini hanc inæqualitatem compensare per aliquid temporale: quia hæc dignitas, & jurisdictione est quid spirituale, & res spiritualis æstimaretur & compensaretur re temporali. Si verò sint inæqualia quoad fructus, Papa potest ad inæqualitatem compensandam imponere pensionem Beneficio pinguiori tanquam conditionem, ut alter indemnus servetur.

Ad permutationem eadem requiruntur, quæ supra de resignatione dicta sunt: quare Beneficia nequeunt aliis, quam permutantibus conferri: alias invalida erit eorum collatio, quia permutantes non intendunt